



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 18. Guido & Lambertus Imperatores. Carolus Simplex Rex.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum IX.  
A. C. 893. sponderet, nec non se multum postulationibus Mandatariorum ex aliis Regionibus fatigari. *Quare, inquit, statuimus, Concilium Generale convocare, cui prima Martii, Indictione undecima (nempe anno octingentesimo nonagesimo tertio) initium dabitur, vosque admonemus, ut sine cunctatione veniatis; sic enim mature deliberare, & ampliora Responſa ad propositas nobis quæſtiones dare licebit.*

## §. XVIII.

*Guido & Lambertus Imperatores.  
 Carolus Simplex Rex.*

Illud quoque Formoſus Papa in ſua Epiſtola Fulconi ſignificabat, quod eodem anno, Indictione decima, ſeu anno octingentesimo nonagesimo ſecundo Guidonem Imperatorem coronaffet. Erat is Guido Dux Spoletanus Filius Lamberti, qui Joannem VIII. Papam tantopere torſerat, Fulconi ſanguinis propinquitate junctus.

Anno

qua de re diſſenſio inter Epiſcopos Africae fuerit. Illud vero exinde liquet, non in Europa modo, ſed etiam in aliis Orbis terrarum Partibus conſtantem Doctrinam & Diſciplinam vigiſſe, in arduis negotiis vel ad Fidem, vel ad mores pertinentibus ad Sedem Apoſtolicam eſſe recurrendum.



Anno sequente 893. Formosus Lam- Sæculum IX.  
bertum quoque Guidonis filium corona- A. C. 893.  
vit. (\*) Inter hæc vero Fulco Archie-  
piscopus coacto Remis Concilio, Episco-  
pis & Proceribus præsentibus & consen-  
tientibus, Carolum juvenem Ludovici  
Balbi & Adelheidis filium anno ætatis  
suæ decimo quarto Regem proclamari  
curavit, qui vigesima octava Januarii  
anno octingentesimo nonagesimo tertio  
coronatus, postea Carolus simplex di-  
ctus est. (\*\*). Nihilominus Odo in ma-  
jore Franciæ parte regnabat, & in illis  
exordiis illi solummodo Optimates Ca-  
rolum

(\*) Consilium bonum! habere Imperatores  
in Italia & Romæ regnantes. Si modo tam po-  
tentes Italia dedisset Principes, qui & suæ Di-  
gnitati conservandæ, & Ecclesiæ Romanæ defen-  
dendæ pares fuissent.

(\*\*) De hoc Carolo Simplice, Ludovici Bal-  
bi ex Adelheide filio posthumo, in Narratione  
Flodoardi Act. Conc. ad annum Christi 892. in-  
serta, ex Epistola Fulconis ad Arnulphum Re-  
gem Germaniæ, hæc leguntur: *Denique de hoc  
quod audierat (Fulco) ipsi Arnulpho dictum  
fuisse, quod hic Carolus filius Ludovici (Balbi)  
non fuerit; asseverat, neminem se posse crede-  
re fore, qui eum si viderit, & parentem ipsius  
agnoverit, non agnoscat illum de Regali proces-  
sisse progenie: quædam etiam signa Ludovici  
Patris sui gestare, quibus agnoscatur filius il-  
lius fuisse.*



Sæculum IX. rolum receperunt, qui privatis rationi-  
 A.C. 893. bus Odonis Imperium averfabantur.

## §. XIX.

*Balduinus Comes Flandriæ excommu-  
 nicatur.*

*Flod. lib. IV.  
 c. 7.*

In eodem Concilio Remensi Episcopi Balduino Flandriæ Comiti complurium delictorum reo Excommunicationem comminati sunt. Is enim Sacerdotem virgis cædi jusserat, & quibusdam Presbyteris ab illis Ecclesiis, in quibus ordinati erant, abstractis, repugnantibus Episcopis, alios constituerat. Fundum Ecclesiæ Noviodunensi a Rege collatum, & Monasterium S. Vedasti Attrebatum usurpaverat; tandem Sacramentum violaverat Regi præstitum, & ab eo defecerat. Præterea diu ante ab Episcopis admonitus non resipuerat. Ergo Concilii Remensis Patres censebant, Balduinum Excommunicationis pœna dignum esse; verumtamen, cum pensarent, quantum hic vir Ecclesiæ & Reipublicæ prodesse posset, Censuram differendam esse, eique longius tempus, quo errata emendare posset, concedendum existimarunt.

Hanc sententiam Episcopi data Epistola Synodica Balduino significarunt, & aliam ad Episcopum ipsius Diocœsanum,